

DISSERTATIO INAUGURALIS CHYMICO-MEDICA
DE

SALE MEDICINALI CAROLINARVM

Von der Krafft und Wirkung des Carls-Bad-
Salzes.

QVAM

FAVENTE SVMMO NVMINE

IN ALMA REGIA FRIDERICIANA

PRÆSIDE

DN. FRIDERICO HOFFMANNO

ACADEMIÆ ET ORDINIS MEDICORVM SENIORE

ET h. t. DECANO

PRO GRADV DOCTORIS

SVMMISQVE IN MEDICINA HONORIBVS AC PRIVILEGIIS
MORE MAIORVM RITE CAPESSENDIS

Ad d. Maji Anni MDCCXXXIV.

PVBLICO ERVDITORVM EXAMINI

SVBIIICIT

NICOLAVS BORRIES

HAFNIA DANVS.

#

HALÆ MAGDEBVRGICÆ

TYPIS IOHANNIS CHRISTIANI HILLIGERI, ACAD. TYPOR.

THE UNIVERSITY OF CHICAGO PRESS

BY

AMERICAN

COLLEGE

OF THE UNIVERSITY OF CHICAGO

CHICAGO

THE UNIVERSITY OF CHICAGO PRESS

CHICAGO

CHICAGO

CHICAGO

CHICAGO

CHICAGO

CHICAGO

CHICAGO

CHICAGO

CHICAGO

CHICAGO

CHICAGO

CHICAGO

CHICAGO

CHICAGO



DISSERTATIO INAUGVRALIS
CHYMICO-MEDICA

DE

SALE MEDICINALI
CAROLINARVM.

§. I.



Quid in vniuerso rerum naturalium pen-
nu, ad varias, easque graues & pertina-
ces, ab humano corpore tam mature ar-
cendas, quam commodè debellandas
afflictiones, certæ, securæ & comproba-
tæ facultatis deprehenditur remedium;
profecto hoc nomine iure suo superbi-
re existimo medicamenta ex salium fa-

milia prognata, atque inter hæc maxime, quæ ob æquale aci-
di & alcalini principii connubium vulgari termino apud Me-
dicos vocari solent. Salsa, enixa, media & neutra. Quorum
agmen constituunt a longinquo tempore ab antiquissimis Me-

dicorum celebrata: Nitrum, tartarus vitriolatus, & tartarifat-
tus, arcanum duplicatum, nitrum antimoniatum, terra foliata
tartari, sal a Glaubero dictum mirabile, digestivum Syluii, sal po-
lychrestum, quod ex nitro & sulphure paratur, ammoniacum, &
pleraque ex optimarum herbarum ac plantarum succis inspisa-
tis præparata salia sic dicta essentialia. Siquidem utilis-
sima eorum virtus duplici potissimum se manifestat ratione: pri-
mo, quod in amplissima remediorum, quæ tam ex vegetabi-
lium, quam animalium & mineralium classe prodeunt, sylua
vix detur aliquod simplex machinæ nostræ solidis ac fluidis
partibus tam amicum atque conueniens, ac ipsa hæc tempe-
rata salia: quippe quæ sanguini, lymphæ, omnisque generis ani-
mantium succis vario modo permixta, non vllam modo eo-
rum naturali consistentiæ ac mixtioni inferunt notabilem mu-
tationem, sed & in ipso nostro corpore optima sanitate fru-
ente copiosius perpetuo generari, ac cum humoribus circum-
ferri observantur: vti hoc vltimum ex vrinæ, nec non sudo-
ris salso sapore satis manifeste animaduertimus. Quod vtrum-
que longe se aliter habet cum salibus acidis & alcalinis puris
& extra connubium positis: quippe quæ plane nostri corpo-
ris humoribus aduersa & contraria, iis secundum naturam
constitutis, nec inesse certum est, nec salua eorum, quæ ad
vitam apta est, mixtione, diu inhærere posse, satis clare per
experimenta Chirurgiæ, quæ olim magni habita fuit, infusoriæ
demonstrari potest. Ex his enim constat quod acidi magis vel mi-
nus saturati liquores, cuius generis sunt spiritus salis, nitri, vi-
trioli, solutio aluminis, per siphonem animalium viuentium
venis iniecti, sanguini antea florido & celerrime per vasa cur-
renti spissum illico nigri coloris inducendo coagulum, & late-
ra vasorum membranoso-neruea constringendo & arrodendo
præsentaneum vitæ exitum induxerint; alcalina vero fluida
præ-

præsertim saturatiora, vt oleum tartari per deliquium, vel Spiritus salis ammoniaci copiosius eodem modo in sanguinem delata, animantibus ob expansam nimis & rarefactam humorum massam citam & violentam præcedentibus conuulsionibus mortem intulerint. A qua nociua facultate remotissima esse ex utroque hoc sale composita, neutrius generis salia, vel solum illud MALPIGHII experimentum demonstrat: qui ab infusi in canis robusti viuentis venam iugularem nitri solutione nullam mutationem, præter urinæ copiosiore prouentum se obseruasse testatur *in libro de polypo cordis.*

§. II.

Deinde & saluberrimam neutrius generis salium virtutem exinde luculenter apparere arbitror, quod in expediendis cuiuscunque generis secretionibus & excretionibus, a quarum suppressione plurimi contumaces morbi tam gignuntur, quam fouentur & acerbiores redduntur, incidendo nimirum viscidas ac tenaces cruditates, quæ in ventriculo ex alimentis minus subactis natæ hospitantur, & magnorum fœcundæ fiunt malorum genetrices, ipso quoque sanguine spisso resolucendo, attenuando, per glandulas ac vasa in visceribus promte transprimendo, æque ac noxios humores per omnia excretoria, prævia leni eorum vellicatione, sine tamen sanguinis exæstuatione, sine torminibus & spasminis, vti aliis vehementioribus solenne est purgantibus, blande euacuando, vix in rerum natura sui habeant simile. Quemadmodum vero tam acida suo tempore ad appetentiam & dissolutionem ciborum promouendam, & temperandas in primis viis hospitantes bilioso-sulphureas cruditates, quam alcalina ad absorbendam aciditatem, resolvendosque spissos humores moderate & debita cum circumspectione vsurpata, multos corpori humano præstant vsus; ita præsertim salia alcalica mitiora salibus neutrius generis iuncta, horum efficaciam mire exaltare obseruan-

tur: eo quod acidus, qui aperitiuam salium vim infringunt, succos imbibendo, salis medi genium acquirunt, & in soluenda ac educenda præsertim tartarea, quæ in renibus se-
fecernitur, mucositatem omnia alia diuretica & aperitiua quam longissime antecellunt,

§. III.

Quam præstans itaque & multiplex salium mediorum & ex parte etiam alcalicorum in corpore humano est utilitas; tam admiranda quoque diuina pro hominum salute cura ac providentia: quod plures eiusmodi generis salibus fœtos saluberrimos tam calidos, quam frigidos fontes huc illuc e terræ latebris sponte promanare voluerit. Et eo magis etiam notandum puto veterum errorem, qui cum chymicæ rationalis plane essent ignari, neglecto accuratiori horum fontium examine, eorum virtutes a variis metallicis, vitriolicis, bituminosis & alienis plane, nescio quibus, subterraneis materiis deriuarunt. Enim vero licet negari penitus non possit, inesse quam plurimis & thermis & acidulis tenuissimum illudque summe volatile martiale vitriolicum principium; quod ex adiectione gallarum patescit, quæ recenter ex scaturigine haustam aquam atro purpureo colore imbuunt, diutius vero a fonte præsertim sine operculo seruata, immutatam relinquunt: hoc tamen, quia facillime in auras auolat, & paucissimis ad aliena loca transuectis aquis inhæret, pro genuino & præcipuo operandi in fontibus fundamento haberi neutiquam potest, postquam peritissimorum in Chymia virorum opera nos docuit, plurimas ubicunque etiam ortæ fuerint acidulas & thermas in eo conuenire, quod sale imbutæ sint medio & alcalino plus minus abundante. Atque ab hoc etiam, potissimas omnium fontium salubrium virtutes dependere, præ
ceteris

ceteris demonstrare operam dedit *Illustr. PRAESES* in suis scriptis, quæ de aquarum mineralium elementis ac viribus tam in genere, quam speciatim de Carolinis, Sedlicensibus aliisque cum publico communicavit.

§. IV.

Eidem etiam laudatissimæ naturæ scrutatorum operæ acceptum referre debet nostrum seculum, quod iam penitus naturam ac genium istorum, quibus salutare maxime in Germania pollent fontes, salium vr̃a cum suis differentiis ac viribus diuersis cognoscamus. Scilicet multis experimentis physico-chymicis iam quidem in vulgum notis demonstratum est: alios fontes tantum alcalino sale, instructos esse, vti sunt Selteranus, Emsensis; alios minori salis alcalici cum terra martiali iuncti portione præditos; ad quos pertinet Spadanus, Buchensis qui Carolinis adiacet, Pyrmontanus, Carbensis in Wetterauia & Tœnsteinensis, aliis Antonianus dictus; alios vero sale magis falso amaricante, vt Egrani, Sedlicenses; alios porro terra alcalina subtiliori cum paucò sale falso & alcalino, vt Wildungenses esse imbutos; quosdam verum sal commune admixtum possidere, vti constat de Wisbadensibus, Tœnsteinensibus & Egranis. Quos omnes mire antecellunt Carolinæ thermæ, quippe quos præter sal medium amarum & terram calcaream magnesiæ admodum similem, copiosum etiam alcalinæ & lixiuiosæ indolis sal in se recondere, adeoque in grauioribus chronicis morbis, præsertim qui ab acidis & viscidis humoribus proueniunt, curandis, aperiendis omnis generis excretoriis, maxime vero vrina & aluo fortiter mouendis, hæmorrhoidali quoque & mensium fluxu restituendo, omnes reliquas foterias aquas longissime antecellere pridem in peculiari dissertatione de thermis Carolinis docuit, & plurimis experimentis atque obseruationibus confirmavit, *Illustris.*

Aris PRAESES, atque post hunc celeberrimus BERGERVS in
diff. eiusdem inscriptionis.

§. V.

At cuiuscunque demum generis sint ista, a quibus medicinalem suam vim salutes fontes mutuuntur, salia, eadem tamen omnibus arte factis tam mediis supra recensitis, quam alcalinis multis nominibus anteponenda esse, constans affirmare audeo. Quippe subtiliori longe & naturæ magis amico tam acido, quam alcalino principio ea constare, vel exinde elucescit, quod salia ex fontibus prognata pleraque fere in æquali purissimæ pluuiæ præsertim calefactæ aquæ portione penitus solvantur, cum arte facta plurima vel triplo, imo quadruplo maiorem menstrui requirant quantitatem, & longiori quoque ad sui intimam solutionem tempore opus habeant; nec non quod calori ignis exposita facillime fluant, quod lecus contingit cum artificialibus. Vnde nec dubium est fore, ut corpori nostri succis facilius permisceantur, atque per vasa minima promptius transeant, quam illa, quæ ex grauiori naturæ infuso acido & alcalino sale ab artificibus componuntur.

§. VI.

Quemadmodum vero non omnibus æqua facultas & occasio est, ipsos fontium medicatorum natales visitandi, & in loco eos vsurpandi, neque cuilibet sumtus ad transportationem aquarum necessarii suppetunt; ita Chymiatrum plurimorum ægrotantium inopiæ consulturi, diu de salibus per legitimam coctionem & euaporationem ex fontibus præparandis, quibus in sufficienti & adæquato menstruo solutis in sui corporis commodum uti quoque possent exteri, solliciti fuerunt. Primus inter hos fuit celeberrimus Angliæ Medicus D. GREW, qui ex patrio Ebshamensi fonte eiusmodi amarum purgans sal præparare, & magno cum fructu peculiari tractatu de meliori com-

mendare cœpit. Enim vero cum admodum exigua sit salis, quod ex hoc fonte elici potest, portio tantum omnino abest, ut eiusdem sub nomine hodie quod circumfertur, & viliori certe pretio venditur, Anglicanum dictum sal amarum, genuinum natium ex fonte eductum sit, quale Doctoris Grew fuit, ut liquidissime potius inter omnes, qui accuratiori chymico examini id subiecerunt, constet: illud ex salis communis cum acido vitrioli, vel aluminis miscela, ad exemplar Glauberiani præparari, uti id probe annotavit LENTILIVS in *M. N. C. cent. III. IV. Obs. 173.* & ulterius demonstravit Ill. PRAESES in *diff. de salium medicorum eccellente virtute*

§. VII.

Præter Ebshamense celebratissimum hætenus fuit sal fontium Sedlicensium siue Seidschutzensium, quorum usum per aliquot secula obliuione obrutum, una cum sale ex iis præparando medicinali, primus omnium detexit *Illustr. PRAESES*, & in peculiari scripto commendauit. At vero cum ipsi Sedlicenses fontes sale hoc mediæ solum naturæ & ab omni alcalini prædominio libero imbuti, virtutibus longe inferiores sint Carolinis; quippe quæ ob notabile lixiuiosi salis cum medio commercium in grauissimis chronicis afflictionibus debellandis omnibus aliis hucusque palmam præriperunt; ideo diu Venerandus Præses de eodem sale ex fontibus Carolinis educendo fuit meditatus, maiora scilicet inde suspicatus commoda, quam ex vlllo alio hætenus vel nativo vel artificiali fuerint præstita. Quare cum sæpius ab Illustribus personis in Carolinas vocatus crebriorem & elementa & præclaras huius fontis virtutes examinandi habuerit occasionem, dudum quoque peritis in arte pharmaceutica eius loci viris autor exstitit sua sorque, ut naturale, quod recondunt thermæ, sal ex iis iuxta artis regulas elicere & publico vsui

offerre facerent periculum. Factum hinc quidem est, ut per plures iam annos ruditer saltem coctum in minori copia ad priuatos tam ægrotorum Carolinas vsurpantium, quam Medicorum expetentium vsum in pharmacopolio fuerit seruatum; attamen diligentiore & frequentiore eiusdem præparatione ut exterorum etiam & a fonte remotiorum commodis consuleretur, eo usque ob peculiare forsitan priuatam maxime incolarum vtilitatem respicientes causas obtineri non potuit; donec ab hinc triennio, cum ab Augustissima Romani Imperatoris Maiestate ad deliberandum de eiusdem salute cum Illustri Archiatro Dno PIO NICOLAO DE GARELLI in Carolinas vocaretur Excellentissimus FRIDERICVS HOFFMANNVS, curiosus quidam pharmaceuticæ licet scientiæ ignarus, senatorii ordinis vir, Dn. GEORGIVS BERNHARDVS RICHTERVS, tinctoriæ arti deditus, elegans quoddam salis ex thermis Carolinensibus educti, & ab omnibus terræ sordibus liberati specimen offerendo, ab hoc celebratissimo Medicorum pare examen & disquisitionem eius peteret. Laudarunt ambo institutum, & compendiosam simul optimum ex fontibus sal eliciendi methodum suppeditarunt. Ex quo tempore etiam tanta virtutum præstantissimarum multitudine se commendauit istud sal, ut non modo a præsentibus sub ipso fontis vsu, sed a remotioribus quoque optimo cum fructu vsurpetur, ac copiose iam distrahatur. Ego vero cum ipse ante annum in Carolinis degens & præparationis & effectuum nostri salis in plurimis morbis singularem fuero testis; hinc annuente & adiuuante Illustri Dno PRÆSIDE, *Patrono ac Præceptore meo ævum venerando*, operæ pretium duxi, peculiarem Carolinensium thermarum salis indolem elementa ac virtutes, in specie vero præ Sedlicensi, quod hætenus palmam tenuit, prærogatiuam sequentibus demonstrare.

§. VIII.

Primo quidem, ut quæ de præparatione huius salis scire conuenit, paucis complectamur, monendum est, materiam huic sali suppeditare fontem illum, qui furioso impetu feruidissimus ex terræ latebris profilit, & ea vulgo in Carolinis dicitur der Prudel. Huius videlicet feruentissimæ aquæ pro vna vice circiter mille libræ vulgares ex scaturigine haustæ in catina ferrea super igne posita vsque ad cuticulæ apparentiam inspissantur; & præuia per filtrum colatione, aëri frigidiori exponuntur, ut in crystallos abeat inspissamentum. Remanens autem a prima crystallisatione liquor de novo inspissatus ad crystallisandum reponitur. Atque hoc tamdiu reiteratur, quamdiu in fundo sal coire cernitur. Emergunt inde crystalli prioribus ex asse similes, nisi quod vltimæ a prioribus albedinis præstantia superentur. Massa producti hinc salis, æquat trium librarum medicarum pondus; vnde calculi beneficio constat, quod ex vna libra aquæ drachma circiter dimidia salis puri sit elicienda. Residuum, quod in fundo post absolutam crystallisationem conspicitur, est Tinctura aurantii coloris, saturate lixiuiosa, cum acido tamen minus efferuescens, saponacea & oleosa, quæ spiritui vini rectificato permixta ex parte ab eo soluitur, & alcalino caustico sapore eum imbuit, ex parte vero in fundum instar magmatis spissidelabitur. Ad filtri vero parietes concrescit terra martialis adstringens lutea, & croco martis similis.

§. XI.

Exposita sic quam fieri potuit breuissime genuina, quæ ex Carolinis fontibus sal elicitur, methodo propius iam ad ipsius naturam penitus inquirendam, & differentiam a sale maxime Sedlicensi ostendendam accedimus: primo quidem experimenta cum utroque instituta exposituri, & ex his deinde præ-

stantiam prioris præ ultimo demonstraturi: Phænomena autem circa vtrumque observata huc redeunt: I. Paratum e thermis Carolinis sal ex crystallis constat oblongis, niuei coloris, pellucidis, & interspersis hinc inde variis aquosis. Sedlicense minores exhibet, quæ itidem oblongæ quidem sunt, sed albedine, & aquosa pelluciditate prioribus cedunt. II. Sal Carolinarum tam in aqua solutum, quam solida forma gustu exploratum, saporem præbet ex parte lixiviolum, ex parte amaricantem, mitiorem tamen quam Sedlicense, quod intense amarum est & valde nauseosum. III. Aquæ purissimæ communis calefactæ vncia salis Carolinarum drachmas decem & scrupulos duos, Sedlicensis vero vnciam vnam recipit; Frigidæ vero eadem portio a Carolinensi præter drachmas sex cum vno scrupulo, & a Sedlicensi præter drachmas quinque & duos scrupulos nihil soluit. IV. Solutio salis Carolinarum ex adiecto violarum Syrupò colorem adipiscitur viridem; a quo Sedlicense nullam patitur mutationem: V. Aqua Carolinarum sale saturata ab oleo tartari per deliquium parato nullam sentit turbam; Sedlicensis vero solutio ab eodem inspissum lactei coloris convertitur coagulum. VI. Productum ex Carolinis fontibus sal cum omnibus tam mitioribus, quam fortibus acidis vehementer effervesceat, hinc ab affuso vitrioli spiritu vel alumine crudo, in aqua prius soluto, desinente effervescencia in sal tertium amarum transit: Quod minus contingit in Sedlicensi. VII. Spiritus vini rectificatissimus saturatæ salis Carolinarum solutioni affusus, lacteum ei inducit colorem, & in fundum deiicit pulverem tenuissimum albicantem; qui ablato per accensionem vini spiritu in aqua facillime solvitur. Idem vero si Sedlicensi soluto misceatur, præcedente coloris turbidi in lacteum mutatione, spissum niueæ massæ præcipitatur coagulum, in aqua tamen post combustum vini spiri-

spiritum promte solubile. VIII. Cum sale ammoniaco per triturationem probe subactum sal Carolinense, sponte liquefcit, & odorem spargit volatilem penetrantissimum; quod frustra expectatur a Sedlicensis cum eodem miscela. IX. Edu-ctum e Carolinis thermis sal fornaci calido iniectum cito fluit; frigidioris vero aeris accessui diutius expositum non liquefcit quidem, sed instar magnesiæ intenuissimas moleculas dissol- vitur. Sedlicense nec a calenti nec frigido aere mutatur. Hinc X. etiam igne difficilius fluit ultimum quam prius. XI. Vna salis Carolinarum pars cum dupla antimonii crudi portione permixta, & in crucibulo candenti fusa præbuit re- gulum antimonii Medicinalem, intense rubicundum & fragi- lem; qui ab eadem salis Sedlicensis & antimonii miscela si- ne sale tartari obtineri non potuit. XII. Sal Caro- linarum cum sexta pulveris carbonum parte mixtum, in cru- cibulo ignito facillime fluit, & massam hepatis sulphuris æmulam largitur; quod in aqua solutum atramenti instar est sympathetici, & literas ex solutione sacchari saturni vel aceto lithargyrii chartæ impictas, antea plane non cognoscendas, luteum iis inducendo colorem, manifestat. Sal Sedlicen- se idem nunquam præstat, sine additione salis tartari. XIII. Eiusdem hepatis sulphuris in aqua facta solutio viridescit, sed aeri libero diutius exposita colorem adsciscit limpidum, de- labente interea in vitri fundum terra viridi, a qua si purior a- quæ portio separetur, & separatæ spiritus vitrioli affundatur, penetrans admodum foetidus emergit odor, & sulphur ex al- bo cinericeum præcipitatur; quod ipsum cum oleo terebin- thinæ vel amygdalarum intime subactum balsamum sulphuris constituit: Sal Sedlicense eadem proportionem cum pulvere car- bonum mixtum, & eodem modo in crucibulo candente tra-

Statum, prævio magno ebullitionis motu sulphureum præbet odorem, neque fortissimo igne fluit, & calcinatum in fundo relinquit terram in aqua minus solubilem; quod si vero miscelæ huic sub initio sal tartari addatur, eadem contingunt phænomena, quæ a Carolinarum sale iam memorata, XIV. Idem quoque singuli effectus observantur, si loco pulveris carbonum, nigricans illa, quæ a liquoris anodynæ mineralis Hoffmanni destillatione remanet, substituatur terra, ac cum eadem Carolinarum sali iusta proportionem nupta simili ratione adornentur experimenta; luculento testimonio, quod ista terra multum sulphureæ & inflammabilis materiæ in se complectatur. Nihil horum succedit cum Sedlicensi ejusdem destillationis capiti mortuo juncto; nisi conveniens salis tartari portio adiiciatur. XV. Ultimo denique per destillationem nostrum sal exploraturi, tres ejus uncias indidimus retortæ vitreæ, ex quibus fortissimi ignis beneficio præter omnem spem atque opinionem unam cum dimidia unciam & drachmas duas aquæ limpidæ dulcis & empyreumaticæ odorem exhibentis, quæ nec cum acido nec alcali ebullit, obtinuimus. Residuum in retorta cinericeæ erat coloris, solvebatur in aqua, & ab affuso oleo tartari per deliquium penitus non mutabatur, cum acido vero mixtum effervescebat. Cum sale ammoniaco trituratam volatilem penetrantissimum spargebat odorem, absque tamen colliquatione, quæ ab ipso Carolinarum sale ante destillationem observata fuit. Par salis Sedlicensis quantitas retortæ indita, aquæ insipidæ unciam unam & drachmas tres phlegmatis aciduli autem drachmas duas dedit. Remansit hinc terra spongiosa calcarea nivi coloris, cum aqua frigida instar calcis vivæ fortiter ebulliens & eam calefaciens; quæ cum sale ammoniaco mixta omnis odoris expers manet, & in aqua soluta ab adjecto oleo tartari per deliquium in spissum vertitur coagulum. §. VIII.

§. X.

Ex adductis his experimentis satis luculenter apparere arbitror, quæ utriusque salis sit indoles ac differentia. Quippe cum thermarum Carolinarum sale suscepta, eius omnia sunt tenoris, ut pleraque & a quovis alcali, sale tartari & cineribus clavellatis, nonnulla vero etiam ab omnibus mediæ naturæ salibus, nitro, arcano duplicato, tartaro vitriolato, aliisque observentur. Quare nec dubitare quempiam spero, quod sal ex Carolinis fontibus eductum duplex diversi generis contineat principium, alterum alcalinum, alterum mediæ salinæ naturæ cujus ultimi præsentia vel ex inde satis manifeste cognosci potest, quod in crystallos abeat oblongas, ab aëre in liquamen fluidum non dissolvatur, & præter lixiviosum etiam amaricante sapore sit præditum. Quæ omnia contrario modo in salibus mere alcalicis contingere, nemo hodie non novit. Et licet negari non possit, salis alcalici portionem sal neutrum in Carolinensi superare, id tamen ex observatis vero admodum videtur simile, quod a dimidia parte salis mediæ quantitas parum recedat. Ad Sedlicense vero quod attinet sal, eo colludunt omnia cum eo facta tentamina, ut idem ad salia perfecte neutra referendum sit, quæ nec acido nec alcali eminenter abundant, sed ex æquali utriusque portione nupta sunt composita: quemadmodum omnes & iidem effectus observantur, quando per artem præparata salia neutrius generis, ut arcanum duplicatum, tartarus vitriolatus & tartarus aliaque eiusmodi chymico examini subiiciuntur. Deinde vero & illud ex adductis experimentis elucere arbitror, quod sal e Carolinis elicatum longe subtilioris sit indolis, quam Sedlicense; quod in aqua & difficilius solvitur, & maiorem menstrui copiam requirit. Curiosum denique & hoc observatu est, quod tanta in salibus

bus delitescere possit aquæ portio; quam etiam fuisse causam existimo, quod Carolinum sal & ammoniacum sicca inuicem mixta liquefacta sint: cum educto per destillationem humido, id non contigerit cum resstante sale.

§. XL

Partium atque elementorum, quæ sal Carolinensium thermarum constituunt, hætenus exposita natura, & proportio statim nos docere poterit, quisnam in corpore humano usus, & quæ vires in variis morborum generibus tam arcendis, quam tollendis ab eo sint expectandæ. Quas vero omnes partim ab alcalino, partim a medio, quod continet sale, partim ab utriusque conjunctione deducendas esse, neminem puto, quin perspiciat. Primo itaque ut ab alcalina ejus superabundante parte initium faciamus, præstans utique illius est virtus in absorbendis, quæ in primis viis partim ab alimentis acidis, quibus pleraque hominum pars delectatur, partim ab imminuta ciborum digestionem, sæpe resstant, aciditatibus; quæ incrassando reliqua alimenta præsertim ex lacteorum familia desunta, item mucilaginosæ & ex fructibus horæis parata, non modo insensibilissimarum cruditarum genetrices sunt, sed & vasa, quæ ventriculum percurrunt, sanguinea & nervea, a quorum legitimo elatere omnis fere concoctionis vigor pendet, constringendo fluidi & sanguinei & nervei ingressum arcet; adeoque ad spasmos intestinorum, colicam, cardialgiam, ructus, flatu, & anxietates præcordiorum, capitis dolores, appetitum incoercibilem, febres, aliosque graves morbos quam facillime disponunt. Quibus omnibus, si a contento in primis viis acido, originem eos trahere indicium sit, ipso hoc sale vix salubrior ac promptior opponi potest Medicina. Vnde nec mirum est, quod hypochondriacis & hysterico malo laborantibus personis, quæ ob debilita-

debilitatam stomachi & intestinorum vim peristalticam, parum digerunt, & cruditatibus acidis fovendis quam generandis admodum aptæ sunt, præ omnibus aliis stomachicis ac roborantibus insignem præstet utilitatem.

§. XII.

Deinde cum omnibus alcalinis & hæc sit propria facultas, ut si cum acidis congregiantur, eadem in sal convertant tertium amaricans, purgante præditum virtute; ideo & hoc nomine peculiariter commendari meretur sal alcalinum thermarum Carolinarum, quod, si sufficienti & acido in primis viis hospitanti proportionata ingeratur quantitate, illud hostile cum omnibus cruditatibus per alium euacuet, & adeo omnibus, qui ex obstructa aluo sentiunt incommoda, opem afferat longe saluberrimam. Quo ipso multum antecellit sal Sedlicense, quippe quod nisi alcalino quodam pulvere ut lapidibus cancerorum & conchis præparatis acuatur, in corporibus, ubi acidum primas vias occupat, plures sæpe molestias, quam leuamina creare observatur.

§. XIII.

Maiora autem his sunt, quæ ab utriusque tam alcalini, quam medii salis combinatione in corpus nostrum deriuantur commoda. Eminent hinc maxime nostri salis virtus in incidendis viscidis ac lentis humoribus, qui in ventriculo atque in intestinis sæpius colliguntur, & tunicam nerveam inuiscando æque ac menstrui ad digestionem necessarij affluxum interceptiendo, & sensum & motum stomachi imminuunt, hinc appetentiam prosternunt, nauseam & vomitus cient, & plurimarum cruditarum genesi velificantur. Vnde non modo appetitui, sed & digestionem ab hac causa læsis egregie opitulari nostrum observatur sal. Porro cum ista cruditarum in primis

viis stibulantium sit indoles, ut, non modo ventriculum aggrauando & distendendo, respirationem reddant difficilem, pectorisque anxietates inferant, sed & latera tam vasorum percurrentium, quam adiacentium viscerum, hepatis, lienis & renum comprimendo, & vasa lactea ac glandulas secernendis & attenuandis humoribus destinatas obstruendo, sanguinem efficiant spissum salsum ac cacochymicum; hinc patet, quam ampla sit Carolinarum salis utilitas in omnibus iis auertendis & auerruncandis afflictionibus, quæ ab humorum spissitudine, viscerum infarctu, & impedito secretionum successu oriuntur.

§. XIV.

Neque vero solum inter alterantes, sed & præcipue inter euacuantes medicinas nostrum sal peculiari pollet prærogativa. Enim vero commune hoc cum omnibus aliis tam alcalicis, quam mediis habet salibus, ut non modo humorum viscidorum cohesionem imminuere, sed & solidas molliores, præsertim vero nervoso membranaceas partes stimulando, elaterem & vim contractilem earum augere, adeoque & resolutas cruditates euacuare valeat. Quare peracta humorum, qui in primis obuii fuerunt, acidorum correctione & viscidis glutinis a crusta villosa abstersione, incipit primo in fibras intestinales agere, & proritato per leniorem vasorum vellicationem maiori liquidi nervosi affluxu vim peristalticam intendit; quæ adaucta, non modo vasa, quæ inter membranas intestinales currunt, serosa, sanguinea & lymphatica conquassando, maiorem fluidi in caua intestinorum transillationem prouocat, sed & attenuatis & dilutis hac ratione cruditatibus minus tunc resistentibus per aluum copiose eliminandis quam promptissime inseruit.

§. XV.

§. XV.

Hac ipsa vero alvum aperiente facultate quantum omnia alia leniora & fortiora etiam purgantia, citra, iucunda, & cuncta operatione nostrum sal antecellat, dici vix potest. Siquidem tenerioribus & exquisitiori fibrarum sensu præditis, sufficienti in copia, & sub convenienti menstruo oblatis vix hora dimidium expectat effectus. Iucunditate vero & saporis & lenioris operationis mire se omnibus commendat, qui delicatioris gulæ & sensus pleraque ob id auersantur euacuantia, quod partim amaricante & tædiofo sale nerveas palati & oesophagi fibrillas irritent, hinc nauseam, sæpiusque vomitum producant, quam in ventriculum delata molestas intestinorum tensiones ac crispaturas inferant, nec sine acerba intestini rectificatione feces subducant: Quod plane alienum est a sale Carolinarum. Securius denique est omnibus aliis vehementius alvum mouentibus medicinis: eo quod sine motuum exacerbatione, sine ventriculi, eiusque toni & appetitus deiectione, sine sanguinis exæstuatione, efficacissime subducit noxios humores, nec alvum relinquit obstructam; qui omnes pessimi effectus aloeticis resinosis & acrioribus purgantibus solennes sunt. Quapropter & omni ætati, sexui & temperamento, summo cum fructu exhiberi potest. Imo vero multiplici compertum est experientia, quod plurimi quibus a multis annis nunquam sine pilularum assumptione, aut clysterum iniectione alvus soluta fuit, ex continuato præsertim nostri salis usu tam eximiam persenserint virtutem, ut postea sine molestia & sine medicamenti alvum habuerint apertam, liberam & ordinariam. Neque vero hoc tanto sedum numero efficit, quam Sedlicense, cuius assumpta vñica vñcia vel robustissimos octies & decies desidere cogit, & in nonnullis etiam ob copiosum & frequentem acris seri secessum molestas in-

C 2

testini-

testini recti rofiones, imo sæpe per aliquot dies aluum obstipatam cum tenesmo relinquit. Non facile autem id obseruatum fuit a Carolinarum sale, quod mitissime potius sordes educit, & si robustis ac sanis corporibus ad sex vel octo drachmas porrigitur, vix vltra quatuor vel quinque sedes sine molestia ciet, & subsequenribus diebus aluum fluxilem cum appetitus incremento conseruat.

§. XVI.

Cum itaque tam nobili & naturæ tam amico purgante effectū polleat sal Carolinarum; idcirco tam in anteuertendis, quam abigendis, quæ ab aluo diutius obstructa originem trahunt, vel exacerbantur, afflictionibus conducit. Neque enim rara eorum sunt exempla, qui cum solenni alui obstipatione laborantes quotidianis fere cephalalgis, pectoris anxietatibus, respirationi difficili, phlogosi, hypochondriorum tensionibus, aliisque chronicis infimi ventris passionibus obnoxii fuerunt, a nostro sale, insigne omnium malorum experti sunt alleuamentum. Præterea plures prostant obseruationes, quod ab aluo diutius constricta, spasmos intestinorum inferente, ac sanguinis per abdominis vasa circuitum impediēte, impetuosæ sæpius humorum ad superiora & viscera contigua fiant regurgationes. Quæ si in capite contingant, dolores acerbissimos, vertigines, apoplexiam, melancholiam, grauiā insomniā, agrypniam cum terrore, sensuum stuporem, opthalmiam, aurium tinnitum, æque ac auditus difficultatem, causantur; in pectore vero anxietates, cordis palpitationes hæmoptysin, peripneumoniam, inflammationes produciunt; in hepate inflammationes, vesiculæ felleæ spasmos, hinc icterum, in liene, vasorum breuium rupturam ac vomitum cruentum efficiunt, in renibus & vesica ad mictum cruentum & calculosas concreciones ansam suppeditant. Quæ omnia grauissima pathemata salu-

ta saluberrimi nostri salis tempestiuo vsu arceri posse, extra omnem dubitationis aleam est positum.

§. XVII.

Proinde peculiaris quoque est illius virtus in promouendis sanguineis, quæ per vterum ac vasa hæmorrhoidalia solennes sunt, excretionibus: eo quod spissum, qui vasa comprimit, mucum incidendo, & educendo vasorum liberiores reddit & contractionem & dilatationem, atque hinc expeditiorem humorem transitum & exitum conciliat. Præsertim vero hoc præstat, si per aliquot dies cum pilulis balsamicis, ex depurata aloes parte, extractis amaris & gummatibus ad exemplar Beccheri paratis, quæ sanguinem ad loca dicta promtius compellunt, exhibeantur, & infusorum ex herbis sic dictis vterinis, pulegio, melissa, millefolio, matricaria, mercuriali, floribus cheiri, chamomillæ, croci &c. paratorum potu secundentur. Qua ratione & irregularem aut suppressum mensesium & hæmorrhoidum fluxum ad ordinem reductum, & varicosas venarum in vtero ac ano distentiones ac tumores cum emolumento sæpius soluta fuisse, plurimis exemplis manifestum est. Neque vero in conuulsivis spasmodicis hystericarum passionibus hoc sal, effectum carere ut ex compluribus aliorum observationibus, ita nouissimo exemplo mihi constat, de virgine nubili singulis mensibus per integrum biennium epilepsia & suffocationibus hystericis afflicta, quæ ex sæpius repetito salis Carolinarum cum pilulis balsamicis iuncti vsu optime conualuit, & menses sine tentaminibus spasmodicis, habet liberas ac sufficientes.

§. XVIII.

Simili quoque ratione nititur peculiaris nostri salis in aperiendis viis vrinariis, & educenda, quæ in renibus a sanguine segregatur, falso sulphurea mucositate efficacia: qua

pariter laudatissima alias diuretica mire antecellit. Hæc enim cum sulphuræ volatilæ, & causticæ vt plurimum sint indolis, non modo stricturas vasculorum in renibus, vteribus & vesica exquisitè sentientium adaugent, adeoque dolores vehementiores inferunt, sed & sanguinis vorticosum motum accelerando, sæpius vel omnem urinæ fluxum sufflaminant, vel subtiliori eius parti transitum tantum præbendo, pluribus grauioribus morbis ianuam aperiunt. Quorum nihil a nostro sale debet metui: quippe quod incidente sua virtute tartareas concretiones soluit & tubulos renales, & his connexas vterum ac vesicæ membranas leniter stimulando maiorem urinæ sequestrationem, & expeditiorem exitum procurat. Minor est hæc in Sedlicensi sale vis; quod copiosius per aluum, quam per urinam serum educere obseruatur.

§. XIX.

Hinc est, quod in obstructionibus renum, vesicæ & ductuum vrinariorum præcauendis, & si adfuerint soluendis, nostrum sal, si mature & crebrius præsertim cum aliquot nitri granis vsurpetur, multis nominibus Sedlicense antecellat. Et cum ob absorbentem suam facultatem, acidum, cuius cum terra connubium gignit calculum, cicurare & in medium sal conuertere valeat; hinc tam ad auertendam tartarei coaguli genesin, quam exturbandum mitiorem calculum insignis est efficaciam. Quo nomine etiam iis commendari satis vix potest, qui vel ob natiuam vel ab alio qualicunque errore diætetico contractam renum ac vrinariæ vesicæ imbecillitatem eiusmodi calculosis concretionibus & generandis & fouendis sunt idonei. Quemadmodum pariter singularem eius experiuntur efficaciam, qui vehementes a calculo in arctum & neruosum vterum cauum intruso dolores sentiunt; quibus præ omnibus aliis medicinis lithontripticis, tam resoluendo, præsertim si recens fuerit, tartarei

tartarei mucii concrementum, quam exturbando illius copiam, egregie & cito opitulatur sal Carolinarum. Quos saluberrimos effectus frustra a Sale Sedlicensi expectaueris.

§. XX.

Supereſt alia non inferioris dignitatis in Carolinarum ſale virtus diaphnoica, quam accedente præſertim copioſo calidi infuſi potu iis maxime præſtat, qui vel ob ſicciorẽ vel cachecticum corporis habitum aut impeditam a quacunque cauſa tranſpirationem multos viſcidos in ſubcutaneis tubulis firmiter impactos ſuccos continent. Quos & fluxiliores reddendo, & vaſorum excretoriorum contractionem a tergo promouendo, prompte per corporis corticem expugnat. Et cum omni calefaciente virtute careat, ideoquoque merito cunctis volatilibus, oleoſis ſulphureis acroſinofiſ præfertur diaphoreticis; quippe quæ ſanguinem quidem ſatis commouent & exagitant, ſed quia ſpiſſum, qui ſeri per poros exitum præcludit, mucum non diſſoluunt, ſæpius plus noxæ, quam emolumenti afferunt.

§. XXI.

Triplici itaque hac aperitiua. tam aluum laxante, quam diuretica, & ſudorem mouente facultate omnibus iis ſal noſtrum ſe commendat morbis, quorum cura ad ſingulas harum excretionum ſpecies ſimul reſpicere medentes iubet. Eo autem felicius hæc ſingula exſequitur, ſi cum aliis hiſce indicationibus ad æquatis coniungatur medicamenti. Miram hinc in hydrope anasarca, cum oedematofio pedum tumore, virium proſtratione, & vrinæ ſuppreſſione iuncta, cum pilulis baſſamicis alternatim exhibiti virtutem eſſe, nouiſſimo exemplo comprobatum eſt: Siquidem copioſum per aluum & vrethram
fer-

serum educendo & leniorem mane in lecto diaphoresin mouendo id effecit, vt detumescantibus intra paucas hebdomades uentre & pedibus, appetitus & pristina sanitas ægro redierint. Eadem ratione egregiam in febribus intermittentibus, quartana, & tertiana pertinacioribus sistendis exserit efficaciam, si, vel solum, vel cum æquali corticis chinæ aut chaccarillæ in pulverem redacti portione mixtum, diebus intercalaribus bis vel ter, imo aliquot ante paroxysmum horis ad drachmam unam assumatur. Quem in finem & sub connubio lapidum cancrorum præparatorum, nitri & cinnabaris, loco pulveris famigeratissimi antispasmodici dicti ad præparandos, ut eo commodius evacuentur, noxios humores, & imminuendam spasmodum febrilium vehementiam, tam ante paroxysmum, quam sub eodem ad æstum in sanguine præternaturalem supprimendum, & capitis dolores ex stomachi vitio ortos leniendos, summo cum fructu potest exhiberi.

§. XXII

Porro cum sæpius contingat, ut ex febribus iusto citius suppressis, grauiores viscerum labe, vasorum sanguineorum imprimis hepatis et lienis infarctus, ac glandularum mesenterii & pancreatis obstructions oriantur, hinc appetitus pereat, digestio vacillet, nausea cum vomitibus familiaris fiat, corporis externus habitus fiat cachecticus, ictericus, cum virium languore, & capitis debilitate; ibi ad hostilem materiam, quæ a febre cohibita remansit, e corpore expedite proscribendam, hoc sale cum amaricantibus & balsamicis extractis mixto, non neglectis spissam lympham incidentibus & diluentibus potibus mira effici pluribus observationibus nobis comprobatum est. Quo scopo & elixirum ex extractis amaricantibus cardui bened. absynthii centaurei minoris, & sale Caroli-

Carolinarum, singulis ad unam drachmam sumtis, in aqua menthæ cum vino paratæ unciis sex solutis, magnæ in ejusdem indolis morbis efficaciam deprehendimus. Atque hac ratione in cachexia, chlorosi, ictero, atrophia, expeditius sanandis, observato simul convenienti vitæ & victus regimine, felicissimos nos fuisse, ingenue testamur.

§. XXIII.

Neque vero prætereundum hoc loco est, quod si vulgatis laxantibus addatur nostrum sal, eorum virtutem mire exaltare valeat. Ita si mannæ vnciæ vni in aqua veronicæ, aut menthæ dissolutæ, salis Carolinarum drachma vna adiciatur, mixtura hæc interposito calidi infusi Theæ usu epota, plus præstabit, quam si duæ vel solius mannæ vnciæ assumptæ fuerint. Deinde quum pilulæ, quæ a variis hodie ad normam Becherianarum paratæ nomine Balsamicarum prostant, sæpius ægrotantium præsertim robustiorum, & medentium expectationem in laxanda aluo fallant; certe vix melior iisdem addi potest stimulus, quam si assumpto vesperi sufficienti earum numero, insequente mane duæ vel tres Carolinarum salis drachmæ subiungantur. Pari ratione cum anthelminticis maritatum, in subducenda verminosa colluie, & sistendis, quæ ab infestis hisce hospitibus humano corpori familiares sunt, atrocibus pathematibus egregie conducit; vti id recentissimo infantis exemplo comprobatum habemus; e quo beneficio supra descripti pulveris ex cortice chacarillæ & sale nostro concinnati, magnam ascaridum farraginem evocatam vidimus.

§. XXIV.

At quam præstans salis Carolinarum in variis corporis afflictionibus virtus deprehenditur, tam impar est causis morborum & imminentium & præsentium superandis, nisi conveni-

enti & sufficienti fluido solutum in corpus deferatur. Conueniens illud primo debet esse, & salı recipiendo & cum humoribus nostris permiscendo; sufficiens autem, ut corporis vascula subtilissima transire & cum humoribus omnis generis virtutem suam medicinale[m] communicare possit. At vero cognoscimus natura ipsa duce, aquam communem simplicem thermarum fluido similem, purissimam, a calcareis for-
dibus liberam, ex fonte vel communi, vel si fieri potest soterio, recenter haustam ac spirituos[o] æthereo elemento copiosius imbutam omnibus aliis liquoribus iure meritoque anteferri. Hinc est, quod vel ipsas Carolinas vel Sekteranas, Schwalbacenses, Egranas aliasque, quæ medicinali facultate se nobilitarunt, aquas, præsertim si in loco natali usurpari possint, pro vehiculo huius salis præ omnibus aliis multiplici usu confirmati commendemus. Dicit enim vix potest, quantum ipsorum fontium adaugeatur virtus, si eorum potus crebriori nostri salis usu secundetur; quod præsertim ii cum fructu faciunt, quibus aqua potata in primis viis restitantes viscerum imbecillitatem atque atoniam minitantur. Neque vero minoris efficaciam est nostrum sal, si aliis aquarum speciebus præcipue cum salutaribus, sanguinem purificantibus herbis & radicibus, ut Scorzonera, cichorei, veronica, decoctis ipso etiam sero lactis solutum, vel calide vel frigide, prout optime fert ventriculus, sufficienti copia successiue hauriatur.

§. XXV.

De proportion[e] vero menstrui ad salis efficacem non tamen ingratum usum accommodanda hoc tenendum est, quod quo largiori sal excipiat[ur] fluido, eo & citius, in primis
viis

viis repurgandis, ac referandis viscerum obstructionibus, & potentius operetur. Optima qua sensibiliorum etiam gustui consulitur, hæc erit methodus, vt decem vel duodecim fluidi partibus vna saltem salis portio addatur. Quare qui robustiori fibrarum systemate instructi & ægrius commovendi sunt, ex libra vna medica aquæ, vnam salis vnciam haurire poterunt; sensibilioribus autem vt feminis, & viris mitioribus fibris præditis semuncia vel drachmæ sex ex libra medica dimidia vel octo vnciis fluidi assumptæ satisficient. Pueris etiam pro diuerso virium ac corporis statu, vnamuel duas drachmas ex quatuor liquidi vnciis potandas commendamus. Hac successiue epota portione commodum erit plura infusi medicinalis Theiformis ex herbis resoluentibus & roborantibus parati vascula calida tamdiu subiungere, dum aliquot sedes prouocata fuerint. Quum vero ad earundem liberum ac promptum successum multum faciat, si ventriculus alimentis, quæ spicula salina inuoluendo eorum vim infringunt, non grauatus fuerit; hinc est, quod assumptionem nostri salis potius matutino, quam pomeridiano aut vespertino tempore suadeamus.

§. XXVI.

Varias hæctenus, quas interne sumtum Carolinarum sal, virtutes exserit, commemoravimus. At monendum quoque est, illud & externe non omni fructu carere: Primo quidem clysterum ingrediens esse potest, eo potissimum tempore, ubi a flatibus aut stercoribus induratis relaxata intestino-

rum crassorum fibræ toni augmento egent, ut in ejiciendis sordibus officio suo satisfaciant. Quo scopo vel solum sal Carolinarum aqua calida solutum, & satis dilutum injici, vel aliis oleosis, mannatis & demulcentibus salis communis loco ad uncia unius vel dimidiæ pondus commodissime admisceri potest. Deinde cum salium mediorum in purificandis & consolidandis externis foetidis ulceribus alias non infructuosa sit efficacia; ideo quin & hoc nomine ad externos usus sal nostrum commendari possit, nulli dubitamus.

§. XXVII.

Expositis itaque variis ac præstantissimis Carolinarum salis, in plurimis nostri corporis grauioribus ac pertinacibus afflictionibus tam auerrendis, quam expugnandis, utilitatibus, superest, ut de cauto ac circumspecto illius, pro varia subsectorum æque ac morborum differentia, usu pauca adhuc subjiciamus. Quare notandum I.) est: quod cautius hoc uti debeant omnes, qui teneriori fibrarum & membranarum compage, quæ facilius per salina spicula ad spasmos irritatur, instructi sunt: unde nec infantibus, nec adultis, qui a nativa generis nervosi debilitate ad varios spasmodicos affectus inclinant, nec feminis sensibilibus largiorem & frequentiorrem ejus usum commodum judicamus. II.) Quantum cachecticis, obesis & sero abundantibus personis confert sal Carolinarum, tantopere copiosior & crebrior illius assumptio iis dissuadenda est, qui vel a natura macilentioris sunt corporis habitus, vel a morbo graviore languescunt, vel denique per ætatis rationem vasa exsucca & collapsa gerunt: eo quod humidum copiose educendo fibras ventriculi rigidiores

res & ad motum ineptas reddit, hinc digestionis & nutritionis negotium labefactat. III.) Eadem est ratio, quare nec feminis post partum ad educenda lochia saltem non sine pilulis balsamicis uterum roborantibus atque expurgantibus exhiberi debeat. IV.) Similiter iis non conducere videtur sal e thermis productum Carolinis, qui spasmodicis afflictionibus crebrius tentantur, & a leuiori causa diarrhœa, torminibus ventris, cardialgia ac colica conuulsiva infestantur; quapropter & abstinere ab eo penitus debent, qui ab acri in ventriculo & duodeno hospitante bile, vehementes ilei rofiones, vomitus, ructus & diarrhœam patiuntur. V.) Homines, qui scorbuticis & falsis humoribus foeti, catarrhosis capitis ac pectoris defluxionibus, variis quoque in cute efflorescentiis, ut scabie, purpura, febre miliari sæpius infestantur, sal Carolinum copiosius exhibitum, augendo humorum dyscrasiam & arrodendo vasa ventriculi magis laedit, quam iuvat; Proinde nec in ulceribus internis, ad quæ vera phthisis etiam pertinet, nec fluore albo, nec lue venerea, gonorrhœa inveterata, bonis cum ægrorum rebus usurpatur.

§. XXVIII.

Quamuis egregia sit nostri salis vis resoluens atque per varia emunctoria euacuans; ubi tamen inueterata præsto fuerit glandularum obstructio aut viscerum pertinacior infarctu, incassum adhibebitur. Nihil itaque in scirrhusa glandularum mesenterii omenti ac pancreatis induratione, & pulmonum tuberculis efficiet. Quemadmodum porro in omnibus tam internis partium nobiliorum, ut ven-


tricu-

tricoli, diaphragmatis, pleuræ, quam externis inflammationibus consultius est diaphoreticis, ac demulcentibus insistere, quam fibras nerveas salinis multis irritare; ita & in iisdem, nostri salis usum merito interdiciamus. In catharro suffocativo vel apoplexia, siue serosa fuerit siue sanguinea, sal nostrum plane est inefficax.

§. XXIX.

Sed sufficiat hisce viam medentibus monstrasse, quæ ratione ad varia afflictionum genera præstantissimi Carolinarum salis usum secure & cum emolumento adaptare debeant. Attentos plura forsitan docebit usus & meditatio. Nos si de singularibus quibusdam eius virtutibus amplius instruxerit experientia, easdem data occasione cum publico fideliter communicare minus dubitabimus.

T A N T V M.



NOBILI ET EXIMIO
DOMINO CANDIDATO

S. P. D.

PRÆSES.

IN sole & sale, omne quod sapientes quærunt, reperiri, celebrata inter philosophos est parcœmia. Nos missis futilibus istis Alchymistarum, qui sibi hoc dictum applicare cupiunt, commentis, summam illam solis & salis in œconomia rerum naturalium administranda præstantiam ac usum & philosophis & Medicis non satis commendare possumus. Est enim magnum illud & stupendum solis sidus mundi quasi anima seu primum mouens, cujus calore & influxu & animantia & vegetantia viuunt, germinant, foecundantur, nutriuntur, conseruantur, ac motum robur & vigorem accipiunt. Ex omnibus præterea, quæ benigna natura produxit, rebus corporeis, nihil est, quod tantam vim & potentiam ad animantium vitam & sanitatem tam conseruandam quam destruendam habeat, quam ipsa salia: quorum diuersam indolem atque virtutem maxime omnium Medicum nosse & perscrutari oportet. Nam salia & morbos progignunt, & morbos
etiam

etiam sanant. Et cum medicinales salutare fontes
suam in auertendis & expugnandis longis & atro-
cibus morbis, a salibus efficaciam mutuuntur, idcirco
eorum salina ingredientia paulo exquisitiore chymico
examine explorare laudatissimum est institutum. Qua-
re nec possum satis Tuam Clarissime Dne Can-
didate in hoc studio industriam laudare; quam
presens luculenter ostendit dissertatio. Tu pharma-
centico-chymica bene imbutus scientia ante trienni-
um ad nos accessisti, & magna diligentia discendi-
que ardore artis medicæ studio animum applicuisti.
Quapropter perspecta simul officiosa Tua mente, Te
omnibus opibus destitutum & beneuolentia & bene-
ficiis pluribus adjuuare, & cum in praxi bene ver-
satum Te cognouimus, honoribus etiam Doctoralibus
ornare minus dubitauimus. Faxit igitur summum
Numen, ut spem quam Tecum plurimi de Te fo-
uent, impleas, imo longe adhuc superes, talemque
Te exhibeas, qualem fore, quibuscunque diligen-
tia Tua & animus inseruiendi cupidus perspecta
fuere, augurantur. Breue quidem adhuc mihi su-
perest viuendi tempus, ut non ampla Tibi officia
possim polliceri: Nulla tamen studiosissimum Tui
animum declarandi occasio præterlabetur. Vale.
Dab. e Museo, d. 22. Maji, 1734.

CLARISSIMO ATQVE DOCTISSIMO
DOMINO CANDIDATO
NICOLAO BORRIES

S. P. D.

CAROLVS AVGVSTVS BOEHMER, D.

In Confil. Rer. Bellic. & Domanial. Potent. Reg.

Boruss. Audit. & Scabin. Regii

Assessor.

S*I quantum in republica gubernanda iurisprudentia potest, tantum etiam in conseruanda hominum sanitate medicina valet scientia: dubitari profecto non potest, quin ii tanquam pestis reipublicæ sint habendi, qui circumforaneorum more, neque in theoria satis instructi, neque eam rite applicantes, magnum nomen medici tueri, satisque secure agrotantibus assidere gestiunt. Cum enim temeritas & imprudentia eorum pectora invaserit, morbo vero laborantes improbam mercedis spem premio sollicitent, fit certe, ut sibi potius quam iis consulant, magnumque reipublicæ adferant detrimentum.*

mentum. Quod etiam omnibus statim in oculos incurreret, nisi prosperos eorum, si quos fato quodam faciunt, progressus, sol adspiceret, aduersos vero tellus tegere videretur. Hoc genus hominum merito contemnunt cordatissimi mortales: e contrario magni habent eos, qui genuinis artis medicæ principiis instructi conseruationem & propagationem sanitatis ac vitæ humanæ quouis modo promouere student, idque fideliter atque prudenter. Ad horum censum optimo iure Te refero, Clarissime Domine Candidate, non ex adulatione quadam, ut vulgo moris esse solet, sed ob fidelitatem & prudentiam Tuam in applicanda arte medica plane singularem, cuius specimina egregia & mihi & aliis edidisti. Pharmaceutica iam cognitione & chemica instructus in alma Fridericiana præceptorem elegisti venerandum Academia nostræ senem, ILLVSTREM HOFFMAN-NVM, qui pristinam medicinæ dignitatem, sub tenebris & squalore veluti sepultam, incredibili ardore & fortuna ita restituit, ut fama tanti viri per universam fere Europam penetrauerit. Id unicum adduxisse sufficiat, unde fausta quæuis ac felicia Tibi augurari possum, ita ut non tantum dignus sis eo honoris gradu, quem in amplissima medicorum celebritate hodie auspicato conscendis, sed etiam sperandum sit, fore, ut optime reipublicæ inseruias, atque laborum

laborum tuorum fructus colligas amplissimos. Quapropter gratulor Tibi ex animi sententia, Deumque optimum maximum precor, ut diu Te saluum incolumemque seruet, quo & futuro etiam tempore aliorum commoda & opes & consilio usque quaque possis promouere. Caterum sic Tibi persuadeas velim, me, si quæ Tibi profutura intellexero, nunquam esse defuturum. Vale. Scrib. d. XXI. Maji anno MDCCXXXIV.

Sie edle Wissenschaft, die alle Kranckheit heilet,
Und unsrer Lebens-Zeit gar oftmahls Frist ertheilet,
Wird von dem Höchsten selbst so hoch und werth
geschätzt,

Daß Er sich in der Schrift selbst zu den Aerkzten seht:
Wohl Dir, Geehrter Freund, Du bist ein Arzt geworden,

Und heute giebt man Dir die Freyheit von dem Orden.
Ich wünsche, daß Dein Fleiß beständig glücklich sey,
So seht Dich einst der Ruf den grösten Aerkzten bey.

Mit diesen Zeilen wolte dem Geehrtesten
Herrn DOCTOR ergebenst Glück
wünschen

J. J. Lange,

Mathes. & Philos. Prof. Publ. Ordin.

S Du Carol Bader Saltz gelahrt und gründlich schreiben,
Kann ohne gutes Saltz der Weisheit nicht geschehn;
Und solche Rede mag nicht ungewürhet bleiben,
Wo man des Saltzes Krafft versucht und Selbst
gesehn.

Mein wehrter Borries Dein Saltz pflegt gut zu schmecken,
Dein scharffer Sinn hat Dich mir längst beliebt gemacht.
Du bist geschickt den Grund recht schmachthafft zu entdecken.
Und hast Dein Saltz also nicht übel angebracht.
Zu diesem Saltz Werck nun bezeug' ich meine Freude
Darüber Halle Dich Herr Doctor nennen muß.
GOTT sey Dein Heil Brunn selbst und Deine Seegens Weide.

Das wünscht

Alt-Brandenburg
den 17. May
1734.

Dein alter Freund

Doctor Cothenius.

En Spöttern ist es fast zur Mode worden,
Daß man der heutigen Poeten Orden
Für eine Zunft galanter Lügner hält.
Was Wunder, daß mir auch der Muth entfällt;
Und meine Muse schon den Kiel zur Tilgung führet,
Eh noch ein tüchtger Reim das leere Blatt berühret?

Jedoch was hindert mich der Ruff der Dichter?

Ich nehme Dich, Hochwehrter Freund, zum Dichter
Und wahren Zeugen meiner Redlichkeit.

Dir ist von mir ein treuer Wunsch geweyht,

Und

Und mein Gedichte zielt zu meines Freundes Ehren.
Drum wird man nichts von mir als lauter Wahrheit hören.

Die Freundschaft so ich nun in dreyen Jahren
Durch Treu und Redlichkeit bewährt erfahren
Verdient nebst Deinem unverdroßnen Fleiß
Von mir und iedermann besondern Preis.
Ich sehe meines Theils nur diß zu Deinen Ehren:
Es müsse sich Dein Glück wie Deine Tage mehren.

Hiermit wolte des Herrn Doctoris
gütigen Ungedencken sich bestens
empfehlen.

Ernst Gotthold Struve.

Primislauiens. Vcaro-March.
Med. Cand. oppon.

S Jugend, Wissenschaft, und Fleiß sich selbst verbinden,
Da krönt Gelehrsamkeit die ersten Jahreschon;
Selbst die Minerva läßt ihm Ehren-Kränze winden,
Und schenckt den Ehren-Schmuck zum wohl-
verdienten Lohn.

Der ist's geehrter Freund, der Deine Scheitel zieret,
Der ist's der Dein Verdienst Dir längst hat bengelegt,
Den Dein gelehrtes Haupt trotz aller Neider führet.
Sieh was Dein grosser Fleiß vor Ehren, Früchte träget!

Wolan so wünsch ich Dir nur künfftig güldne Früchte:
Es schlage alles wohl bey deinen Curen an,
Das Glück zeige Dir stets ein vergnügt Gesichte,
Daß sich Dein Freund mit Dir auch künfftig freuen kan.

Hiermit wolte zur Doctor - Würde
gratuliren, und sich seiner bestän-
digen Freundschaft und gütigen
Andenken bestens recommen-
diren.

P. A. Böhmer.

Medic. C. oppon.

Sunt quos Pœoniis iuuat impallescere chartis,
Qui callent medicæ fata vicesque scholæ.
Qui *Nili Veteris* nantes in gurgite cœco,
Hermetis tabulam dente manuque tenent.
Quos non herba potens ad opem succusque medendi
Vtilis, aut radix quantulacunque fugit.
Qui tanquam digitosque suos vnguesque recensent
Morborum species, semina, signa, gradus.
Et tamen aduersus primæ friguscula febris
Non audent operam suppeditare suam.
Sed: Reuocate gradum, pulsantibus ostia clamant,
Nulla domi nostræ venditur ære salus.
Sunt alii, medicæ vix Alpha & Betha scientes
Artis, honorati membra pudenda chori,

Qui

Qui sibi promittunt ægri cuiusque medelam
Et cæcas adhibent ad mala quæque manus.
Qui, inius ex voto stolidis cedentibus ausis,
Voce carens, dicunt, omnia condit humus.
Sed male. Nam vestris, temeraria turba, trophæis
Os vulgi, Satyræ, celsa theatra scatent.
„Quid bardus Themison aliud, quam sanguine venas
„Et nummo oculos euacuare, potest.
„Hic, laturus opem, narrat vaga murmura famæ:
„Assidet hic muto, mutus & ipse, toro.
„Hic homines iugulat, non tantum vindice nullo,
„Ast quoque perfrecta præmia fronte petit.
BORRIESENIADE, mediam sapienter iistis
Inter utrosque viam TV similesque TVI.
VOBIS nec placuit vanum sine fruge putamen,
Nec nuclei fractam spes fuit ante nucem.
VOS neque perpetua marcescere iuuit in umbra,
Difficiles cerebro parturiente logos,
Nec meditandum, si res tempusque ferebant,
Scalpere demorso tæduit vngue caput.
VOS neque debilibus scapulis atque impare collo,
Curandi nimium mox subiistis onus.
Nec, cum suppeterent vires duxistis honorum,
Vel leuibz nunquam bella mouere malis.
Tempus *Amice*, venit confecti meta laboris,
Virtuti tribuens digna brabæa TVAE.
Maeste nouo *Medici* titulo: *medicare* dolorum
Omne genus: parti nominis omen habe.
TE mors aufugiat veniente: pedissequa semper
Advolet ad nutum vita salusque TVVM.
Gloria BORRICHI BARTHOLINIQUE resurgat,
Laudibus & meritis accumulata TVIS.

Sic

Sic Galenus opes dabit, & quæ sacculus olim
Sparserat angustus, colliget ampla vehes.

*Sic Domino Respondenti, Populare
atque Amico longe honoratissimo,
summos in Medicina honores gra-
tulantur.*

C. C. Carstens. A. G. Carstens.
Jurium Studiosi.

